



SIUMUT
INATSISARTUT

Ulloq: 17. juli 2015

Postboks 357

3900 Nuuk

Tlf.: +299 32 20 77

Fax: +299 32 23 19

Mail: siumut@siumut.gl

Web: <http://www.siumut.gl>

Inatsisartut suleriaasianni § 37 naapertorlugu matumuuna Naalakkersuisunut apeqqutit imaattut saqqummiuppakka:

- 1. Nunatsinni naggussamikku ajoqutillit qassiuppat ?**
- 2. Seeqqumikkut suliaritinniarlutik utaqqisut qassiuppat ?**
- 3. Siffialertinnissaminnik utaqqisut qassiuppat ?**
- 4. Sygesikringen Danmarkimut ilaasortaasut allanullu sillimmasiisarfinnut ilaasortaasut nunatsinneersut suliaritinniartut eqqarsaatigalugit, Danmarkimi napparsimaviit namminersortut seeqqulertinniartunut siffialertinniartunullu oqilisaasseqataatinneqarsinnaannginnerpat Kalaallit nunatta peqqinnissaqarfiata akileeqataaffigisaanik ?**

(Inatsisartunut ilaasortaq Jess Svane, Siumut)

Tungavilersuut:

Kalaallit Nunatsinni peqqinnissaqarfitsinni seeqquminnik siffissaminnillu suliaritinniarlutik utaqqissorpasuussut tusartarpavut, taamammat paaserusunnarsivoq qasserpiaanuku suliaritinnissamut utaqqisuniittut?

Aamma pissusissamisussagalarpoq, seeqquluttut siffialuttullu utoqqalivallaannginnerini suliaritittaraanni, ilami nalunnginnatsigu seeqquluttut ilaat ullumikkut ukiuni 20-vini utaqqisut, sulilu utaqqisuniillutik. Siffialertinnissaminnik utaqqisut ilaat ukiuni 8-ni utaqqisut tusartarpavut, sulilu utaqqisuniillutik.

Nalinginnaasuunerungunarpoq seeqquluttut siffialuttullu 45-50 missaanni ukioqalernerminni nakorsiakulanerulersartut, anniartarnertik annertusiartuinnartillugu. Taamammat pitsaassagaluqaq sapinngisamik ingerlaannartumik suliarisaraanni 70-sinik ukioqalernissaannut utaqqisinnagit.

Apeqquteqaatimma ullut suliffiusut qulit iluanni akineqareersimanissaat kissaatigaara.